



Broj: 05-04-44411/24
Sarajevo, 24.09.2024.godine

Na osnovu člana 43. Zakona o državnoj službi Kantona Sarajevo ("Sl. novine Kantona Sarajevo", br. 31/2016 i 45/2019), člana 86. Pravilnika o unutrašnjoj organizaciji Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj 05-02-31063/24 od 31.5.2024. godine i Odluke Vlade Kantona Sarajevo, broj 02-04-38911-10/24 od 08.08.2024. godine, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo objavljuje

INTERNI OGLAS za unapređenje državnog službenika

1. Naziv radnog mjesta

- Pomoćnik ministra za upravljanje projektima -1 (jedan) izvršilac

Opis poslova radnog mjesta

- neposredno rukovodi Sektorom i u tom pogledu organizuje vršenje svih poslova iz nadležnosti Sektora; raspoređuje poslove na državne službenike i namještenike i daje im upute o načinu vršenja poslova; osigurava blagovremeno, zakonito i pravilno vršenje svih poslova iz nadležnosti Sektora; vrši najsloženije poslove iz nadležnosti Sektora; redovno upoznaje ministra o stanju i problemima u vezi vršenja poslova iz nadležnosti Sektora; predlaže preduzimanje potrebnih mjera u cilju unapređenja stanja u oblastima iz nadležnosti Sektora; vrši izradu nacрта godišnjeg programa rada Sektora; izradu mjesečnog i godišnjeg izvještaja o radu Sektora; prijedloga plana nabavki iz djelokruga Sektora; vrši analizu i predlaže plan potrebnih finansijskih sredstava u Budžetu Kantona Sarajevo neophodnih za odvijanje programskih aktivnosti Sektora; priprema i kontrolira materijale za Vladu i Skupštinu Kantona Sarajevo iz nadležnosti Sektora; izvršava i druge stručne poslove po nalogu ministra i odlučuje o pitanjima za koja je ovlašten posebnim rješenjem ministra; za svoj rad odgovara ministru.

U obavljanju poslova koji su u opisu ovog radnog mjesta obavezan je da vrši planiranje, organizovanje, vođenje i kontrolu sistema upravljanja kvalitetom usluga po zahtjevima Standarda ISO 9001 i obavezan je da primjenjuje i unapređuje Politiku sistema upravljanja kvalitetom, realizuje utvrđene ciljeve kvaliteta i primjenjuje sve usvojene procedure vezane za sistem upravljanja kvalitetom.

2. Posebni uslovi za obavljanje poslova radnog mjesta

Uslovi za vršenje poslova navedenog radnog mjesta predviđeni su članom 86. Pravilnika o unutrašnjoj organizaciji Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, i to:



- Stečena diploma visokog obrazovanja ili druge obrazovne ili akademske kvalifikacije, najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja, završen građevinski fakultet ili arhitektonski fakultet ili mašinski fakultet ili šumarski fakultet ili fakultet pravne ili upravne struke ili fakultet političkih nauka ili filozofski fakultet, najmanje pet godina radnog staža u struci nakon stjecanja tražene stručne spreme, poznavanje rada na računaru i položen stručni ispit.

3. Dokumentaciju koju je potrebno dostaviti (original ili ovjerena kopija) uz svojeručno potpisanu prijavu:

- dokaz o stručnoj spremi
- rješenje o postavljenju (trenutnom rasporedu) državnog službenika
- uvjerenje o radnom stažu
- dokaz o položenom stručnom ispitu.

Interni oglas za unapređenje državnog službenika provest će Komisija imenovana od strane ministra komunalne privrede, infrastrukture, prostornog uređenja, građenja i zaštite okoliša Kantona Sarajevo.

Sa prijavljenim kandidatima Komisija će obaviti intervju.

Napomena: Komisija će po službenoj dužnosti izvršiti uvid u personalni dosije prijavljenih kandidata i ocjene o radu istih.

Rok za prijavu je 7 (sedam) dana, od dana objave na oglasnoj tabli Kantona Sarajevo.

Na Interni oglas za unapređenje državnog službenika mogu se prijaviti svi državni službenici Ministarstva komunalne privrede, infrastrukture, prostornog uređenja, građenja i zaštite okoliša koji ispunjavaju sve uslove Internog oglasa za unapređenje državnog službenika.

Prijava na interni oglas za unapređenje državnog službenika dostavlja se lično ili poštom preporučeno na adresu: "Ministarstvo komunalne privrede, infrastrukture, prostornog uređenja, građenja i zaštite okoliša, ul. Reisa Džemaludina Čauševića br. 1 sa naznakom za :"**Interni oglas za unapređenje državnog službenika u Ministarstvu komunalne privrede, infrastrukture, prostornog uređenja, građenja i zaštite okoliša - NE OTVARAJ**".

Neuredne, nepotpune i neblagovremene prijave neće se uzeti u razmatranje.

MINISTAR

Bojan Bošnjak

Dostaviti:

1. Web-stranica Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo
2. Oglasna ploča Kantona Sarajevo
3. Arhiva



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

2/2